



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Qu. VII. Qualiter possit Christus prout Eucharistia videri seu cognosci.

---

[urn:nbn:de:hbz:466:1-72963](#)

*ma Christi  
aut Angelo  
per speciale  
Dei concur-  
sibus: sed non  
constat de  
facto id sic-  
ri.*

cedere ab anima Christi per dotem agitatis, seu per potentiam loco motivam non organicam: sicut enim per illam potest movere hostiam, sic videtur cum hostia posse moveare physicè suum corpus; adeoque conjecturari posse videtur, de facto sic fieri. Unde eadem ratione possit verosimiliter Angelus movere corpus Christi, vel etiam per accidens, ad motum specierum per contactum virtutalem, sicuti potest localiter movere & impellere alterum Angelum. Quod quidem facilius est, si dicatur præsentia localis noviter acquisita seu causata in corpore Christi sub speciebus esse in substantia naturalis, supposita semel unione ac præsentia sacramentali ad species, adeoque penetratione & modo existendi non quantitativo. At si dicatur esse supernaturalis in substantia, major est difficultas. Videtur nihilominus anima Christi (idem est de angelo) habere ad illam, ut ad actus vitales supernaturales, potentiam inchoatam, speciali auxilio seu concurso Dei supplenda. Quod sic tamen de facto concurre: anima Christi, & non potius ibi modo mortuo se habeat, non nisi conjecturari potest.

69. Dico V. Corpus Christi prout est in hoc Sacramento non potest naturaliter alterari à corporibus viciniis; adeoque non potest ibi crescere, vel minui, vel interfici: nec vicissim probabiliter potest corpora vicina alterare. Prima pars intellecta de corpore Christi gloriose est per se evidens. Intellecta autem de corpore Christi adhuc passibili, quale erat in ultima cœna, est communis Doctorum. Probatur: quia per alterationem producuntur qualitates materiales & corporeæ, quæ ex natura sua exigunt modum existendi quantitativum; adeoque produci sive recipi nequeunt in corpore Christi, quod in Sacramento existit modo indivisibili & spirituali.

70. Secunda pars (quæ *Ex Scot. dist. 10. q. 7. n. 2.* & aliorum passim) suadetur: quia sicut corpus & qualitates corporeæ exigunt extensem modum, ut possint naturaliter existere, ita eundem videntur exigere, ut possint naturaliter agere, quia modus agendi consequitur modum existendi. Quod idem constat experientiâ, quâ constat corpus numquam alterare species sacramentales, neque corpus intra quod recipitur.

Respondent tamen *Nominales* & alii contrarium docentes (quorum opinio hac in parte non est improbabilis) id supernaturaliter impediri ob exercitium nostræ fidei. Aliunde autem sufficienter non convincitur necessitas existendi quantitatib[us] ad hoc ut corpus agat; sed videtur ab eo, quod spirituali modo existit, posse manare actio, quæ corporaliter & extensem recipiatur in pafso. Quemadmodum Deus indivisibilis & spiritualis producit res materiales & divisibiles, & Angelus indivisibilis potest mo-

vere rem divisibilem. Sic igitur videtur qualitas corporalis, et si per accidens penetrative posita, adeoque virtutem habens unitam, recte posse (nisi divinitus impeditur) producere calorem divisibilem & habentem suam connaturalem partium collocationem. Positio autem perpetui miraculi non videtur h[ic] inhærendo ratione posse vitari. Neque adeo operose vitari debet in Mysterio miraculis pleno; quod ipsum est miraculorum à Christo patratorum maximum. Quare hæc *Nominalium* opinio satis placuit & placet, et si opposita sit *Scoti* & communior.

## QUÆSTIO VII.

*Qualiter possit Christus prout in Eucharistia videri seu cognosci.*

71. Dico I. Corpus Christi, prout est in hoc Sacramento, non potest naturaliter videri oculo corporeo. Ita communiter Doctores contra *Nominales*, qui putant posse quidem naturaliter videri, tamen re ipsa non fieri propter meritum fidei. Probatur: quia oculus corporeus tendere nequit naturaliter in objectum spirituali & inextenso modo existens; quomodo existit corpus Christi in Eucharistia. Deinde ad visionem requiritur illuminatio objecti; quod indivisibiliter existens non potest naturaliter illuminari, cum agens naturale non posset naturaliter producere effectum inextensem in ordine ad locum. Adde, quod juxta magis receptam sententiam corpus Christi indivisibiliter existens non possit diffundere in circumstans medium species visibles & materiales. Conclusio intelligitur contra illos etiam de oculo glorificato: et si enim hic sit longè perspicacior oculo mortali, ideoque possit videre res ex majori distantia; tamen ieposse aliorum adjutorio non habet ex suo statu, quod videre possit corpora independenter à conditione naturaliter ad visionem requisitâ; prout est extensio objecti.

Sed major difficultas est, an oculus corporeus possit videre corpus Christi in hoc Sacramento, saltem de absoluta Dei potentia? Negat *Suarez* & alii. Sed verofin illius affirmit *D. Thomas* & passim Recentiores; & communiter refertur *Scotus dist. 10. q. 9. Probatur*: quia corpus Christi in Sacramento est coloratum, potestque per Deum illuminari, adeoque habet formalem rationem objecti corporaliter visibilis. Neque enim refert, quod non sit extensem in ordine ad locum: cum non sat efficaciter ostendatur, cur per Deum oculus elevati nequeat ad videndum objectum suum indivisibiliter positum.

Dices modus inextensem existendi neque videri, utpote extra objectum visus, Rep.

in primis ultra præsentiam partium corporis Christi in eodem loco frustra fingi modum aliquem positivum: cùm sufficiat negatio extensionis, quæ videri non debet, ut videatur res indivisibiliter posita; sed visio fertur in corpus coloratum. Et quamvis esset ibi modus aliquis positivus, posset sine illo videri corpus inextensem, ut sine extensione corpus extensem, sed præcisè corpus coloratum.

DICO II. Corpus Christi ut est in Sacramento potest ab intellectu supernaturaliter & obscurè cognosci per fidem; cùm ita cognoscant & credant omnes Catholici. Potest item clare ac supernaturaliter cognosci ab intellectu illuminato per visionem beatificam aut scientiam supernaturaliter insulsum; ut etiam constat. Naturaliter tamen non potest clare cognosci ab intellectu sensibus alligato: cùm hic omnem suam cognitionem hauriat à sensibus, qui nullatenus Corpus Christi in Sacramento intuentur: ipsumque dependeat à divina voluntate per solam fidem cognitam, cuius ex natura rei non potest peti evidens indicium. Nullus denique est effectus sensibilis, ex quo præsentia corporalis Christi possit naturaliter deprehendi.

DICO III. Intellectus nihilominus sensibus alligatus potest Corpus Christi ut est in Sacramento cognoscere naturaliter, sed propter, abstractive & confusè: cùm auditâ institutione & prædicatione hujus mysterii, possit illud quilibet apprehendere, immo fide mere naturali assentiri. Intellectus autem à phantasmate independentis, v. g. angelicis, videt ibi in primis naturaliter animâ Christi; utpote qua ibi est modo suo naturali, id est spirituali. Deinde potest etiâ ipsum corpus Christi naturaliter seu vi suâ etiam clare intueri, ut docet Scotus, Praepositus & plures alii contra D. Thomam & multos alios. Probat: quia corpus Christi est res materialis, & intrâ limites objecti intellectus àphantasmate independentis v. g. angelicis; adeoque videri potest latens sub speciebus. Et quamvis modus ibi existendi seu præsentia sit supernaturalis in substantia (quod Varii negant, qui à fortiori debent tenere Conclusiōnem) poterit, eo modo non vido videri ipsum Corpus, quod est realiter ab illo modo distinctum.

Deinde etiam ipsam præsentiam Eucharistica corporis Christi, etiâ supernaturem, posse naturaliter ab Anglo videri, ex mente Scoti & plurium aliorum tradidimus in Tractat. de Angelis, quos diximus naturaliter intueri posse entia supernaturalia. Quare etiâ præsentia Eucharistica sit supra naturam omnium creaturarum, quia non potest ab agente creato naturaliter produci, secundò quia nullum subjectum supernaturale exigit illam in se habere connaturaliter: non est tamen supra omnem naturam seu intellectus naturalis po-

tentiam quoad cognosci; neque ex hoc capite desumitur supernaturalitas entis. Quare totum ens creatum præsertim non involvens in obliquo ens increatuum, quantumvis sit alioquin supernaturale, est naturaliter proportionatum intellectui angelico aut sensibus non alligato.

### Q U A E S T I O V I I I .

#### Quâ actione Corpus & Sanguis Christi ponantur in Sacramento?

DICO I. Actio quâ corpus Christi ponitur in Sacramento est vera convercio substantialis sive transubstantiatio. Est certum de fide. Et patet ex Florentino suprà dicto per veram cente: Substantia panis in corpus, & substantia transubstantiatio vini in sanguinem convertuntur. Idem expressè docet Tridentinum sess. 13. c. 4. dicens hanc conversionem convenienter & propriè à sancta Catholica Ecclesia transubstantiationem esse appellatam. Idem definitum est eadem sess. can. 2. Huc quoque faciunt eae auctoritates, quæ asserunt destrui substantiam panis & vini, hancque mutari in corpus & sanguinem Christi. Vide dicta suprà quaf. 2.

Declaratur Conclusio ex conditionibus ad conversionem substantiam communiter requisitis. Nâ in primis conversio debet esse inter duas res positivas: quod in praesenti locum habet; cùm versetur hæc actio inter panem qui definat, & corpus quod succedit. Secundò debet terminus à quo simili vel aliquo modo definire, & terminus ad quem similiter incipere esse. Quod etiam hic locum habet: cùm panis absolute definat, & corpus Christi succedens incipiat esse in Sacramento cum dependentia ad species. Et quamvis simile exemplum in naturalibus non habeamus: cùm tamē conversio hæc sit supernaturalis, debet ad similitudinem naturalium explicari, nec per omnia similis in naturalibus requiri. Tertiò debet esse conexio, scilicet moralis, inter definitionem unius termini & inceptionem alterius, idque sub aliquo communi utrius termino; adeo ut terminus à quo sub isto communis esse definit, quia terminus ad quem sub eodem succedit. Hoc autem indubie etiam convenit actioni, quâ Christi corpus ponitur in Sacramento: perseverat enim aliquod commune, scilicet species, sub quibus pani definiti succedit corpus; ita ut si pani non defineret, corpus non poneretur; & è contraria si corpus non poneretur, etiam pani non defineret.

Porrò conversio hæc dicitur transubstantiatio, quasi transitio totalis substantiae in substantiam, ut recte Scotus dist. 11. quaf. maliter cœl. 1. n. 2. Ceteræ vero conversiones naturales sunt solū transitus ejusdem materiæ primæ ab una forma substanciali ad aliam. In illo autem transitu substantia pani in

Christus ponitur in Sacramento

cramento

per veram

centia

transub-

stantiatio-

nem.

Cujas con-  
ditiones hæc  
intervenire  
declaratur.